



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnus, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

VII. Die Septembris.

urn:nbn:de:hbz:466:1-9625

VII. DIE SEPTEMBRIS.

IOANNES

BAPT. ARCHINTVS SCHOL.

7. Sepremb.
Italus Ro-
ma. 1574.
Ætat. 24.
Soc. 4.

Iesus Ma-
ria.

Huius laudes sunt hæc in Societatis historia: Obedientiâ imprimis, odio sui, orandi vsu, quadriennium in Societate, raro omnibus exemplo, vel potius prodigio, vixerat. Etiam in seculo degens SS. IESU & MARIE nomina, quod se stigmaticum eorum mancipium profiteretur, & assidue cogitaret, sibi in pectore candenti ferro inuulerat; ea sine intermissione iterans diuina nomina: & ardentissima quadam diuini amoris flammâ colliquefcens, ad amplissimum, vt omnes augurabantur, cælestis gloriæ fastigium in natalis Deiparæ peruigilio euolauit.

P. IOSEPH

DE ESCALZA.

Hispanus
Xerchj. 7.
Sept. 1616.
Ætat. 38.
Soc. 20.

Mortific.

Crucifixus.

Iam inde à primis vitæ religiosæ rudimentis in eo totus erat vt assuefecerit sese peruincere, id vt à Deo impetraret, carnemque subigeret, eam ferro cingulo flagris crebro inflictis, & frequentibus ieiuniis perdomabat. Cibo cineres aspergebat, saxo indormiebat vestitus: corripiebatque somni spatia, vt precandi otium magis extenderet. Cum Ministri munus gereret, vnus ipse plurium Coadiutorum obibat officia, eaque infima. Illud sibi altè in animum demiserat; se omnium esse mancipium. Aliquando à labore fessus videre sibi v. sus est coram se Christum graui Cruce onustum, atque dicentem: Fili, si tuati-

bi crux videtur grauis: meam aspice neque tibi persuadeas quòd sine me sis in illa. Etenim tam sum tuus vt me totum pro te tradiderim. Inde incredibili martyrij desiderio accensus, cum plurimos & atrocissimos cruciatus optaret, loco martyrij morbum habuit qui eum per ipsos quinque menses dolore acerbo exercuit.

Demôn aliquando scemina turpia molientis personâ tectus illum ad fœda pellicere conatus fertur: at ille se ad SS. altaris Sacramentum fugâ propripuit, & vicit.

P. STEPHANVS

PONGRACZ.

Aluiciensis domo, Philosophiæ Theologiæque studiis in Societate perfunctus, septem annos posuit in iuuentute Rhetoricis, aliisque disciplinis erudiendâ. Tum scholis, & conuictoribus præfuit; & ad populum pro dignitate dixit. In Cassouiensi hæreticorum turbine vnâ cum P. Melchior Grodecio Silesio, ac etiâ Marco Chryfino Strigoniensi Canonico, Cassouiæ in Domo Regiâ, nunc insigni Societatis Iesu Collegio, quintâ, sextâ, & septimâ Septembris die domo prodire prohibitus, triduum illud sine cibo, ac potu duxit tam ipse quam socij fame magnâ, sed siti maiore, vexati. Nam obrutas sibi feriâ vi. & Sabbato carnes non admisere; ne apud rudes id esset indicium, quòd minis, promissisue cessissent, ac fidem orthodoxam, cum Caluini sectâ commutassent. Cum Canonicus ab hæreticis ad deferendam fidem Catholice-

Pati.

Hungarus
Cassoui. 7.
Sept. 1619.
Ætat. 40.
Soc. 18.

Fideli.

cam.

eam spe bonorum illi transcribendo-
rum inuitaretur, Stephanus eum qui
ea nunciabat Calvinistam disertè di-
fertè dixit mali demonis fungi offi-
cio; certum sibi ac sociis esse, in Or-
thodoxa fide mortem præ fortunis vi-
tæque habere. Cum Calvinistæ *ma-
riendum* illis continuò esse dicerent,
& causam eius sententiæ rogarentur à
Stephano ac sociis, respondere: *Quia
Papistæ estis*. Hac vero de causâ, se ac
socios mortem libentissimè appetitu-
ros dixit Stephanus; & nudato collo
cervicem exporrexerit. Septimâ Septem-
bris coorto tumultu obuius è concla-
ui progressus Stephanus rostratâ cla-
uâ ferreâ (bozogany vulgo dictâ) va-
lido ictu in pectore percussus, prostra-
tus est. Mox illi caput fune circumma-
ctum, tantæque vi compressum, vt
mortuus crederetur. Tota illa nox in
cruciatibus diris acta, tenerrimis qui-
busque corporis partibus intra bom-
bardarum rotas contortis. Cruciatu
etiam est singulis digitis, gallo sclopi,
vt vocant, subiectis & pressis; cum au-
res negaret promittentibus liberta-
tem atque honores, si vel verbulo edi-
to ad Caluini partes transiret. Iterum
id, iterumque contentissimo studio
cum negaret Stephanus, dixere illi;
severò cum ad id tormentorum vi
compulsuros. Mox illi vstulatum la-
tus, vsque dum propè esset exanimis.
Præterea constat P. Stephanum, cum
iam pluribus vulneribus laceriaceret,
ac se à vicino Catholico (à quo hæc
habemus) audiri aduerteret, vicino
illi ad retinendam perseveranter fi-
dem Catholicam autorem fuisse, ac
hortatorem, quicquid in re tam no-
bili ingrueret tormentorum. Age, aie-
bat voce quâ poterat, *Et te bonum
Christi militem præbe: iam ego ad conspe-
ctum dulcissimi Iesu hinc euolo*. Eorum
sanguis muris, & sicarij vnus vesti
asperfus, diu recens apparuit quâ erat

fusus, neque abstergi potuit. Ioannes
Laios Calvinista, *praefectus* fuit *carnifi-
cium*; à quibus Stephanus & duo socij
in latrinam demum deiecti sunt vul-
neribus cooperti; sed postea inde ex-
tracti, Catharinâ Palsiâ Proregis For-
gachij coniuge à Bethelchemo id im-
petrante: quæ postea ritè interroga-
ta, dixit, se, ad motis horum pignori-
bus, à graui cordis palpitatione libera-
tam, post fusas preces. Reperta sunt
capita obruncata, facies concisæ, la-
tera vsque ad costas scædum in modum
exusta. P. Stephani digitus ab illa reli-
giosè, at priuata in veneratione, ser-
uatus. Corpora Tyrnauiæ, apud S. Cla-
ræ Sanctimoniales in Deiparæ Assum-
ptæ sacra æde, sunt condita. Auditos
ibidem à religiosis illis Virginibus ad
illa corpora cantus Angelicos; ad P.
Ioannem Rumer Austriæ postea Pro-
uincialem, scripsit P. Daniel Vasa-
rhelyi; affirmavitque, id Virginem a-
liis Præfectam paratam esse iuratis te-
stibus confirmare: ad hæc; eadem cor-
pora nec alibi sine miraculis iacuisse.
Aiunt etiam nonnulli, corpora è latri-
næ sordibus eruta suauis odore fragras-
se; ac hæreticum quendam dixisse, au-
ditum à se fuisse concentum Angelicū
ad illa corpora tunc adhuc in cloaca
iacentia. Excerpto nunc pauca ex iis,
quæ è processibus Tyrnauiæ authori-
tate Petri Card. Pazmany anno 1628.
12. Sept. Et Georgij Lippai Archiepi-
scopi Strigoniensis anno 1661. 20 Ian.
formatis, fide digni testes affirmant,
& ego ea in Archivio Romanæ Domus
Prof. deposui. Ad mortem se flexis per-
petuè ferè humigenibus inter com-
precandum præparabant, ad pulchrū
agonem fortiter obeundum se inui-
cem assidue cohortati. Plures narra-
rè in Regio eiusdem Domus Sacel-
lo Callouia sæpè noctu visa fuisse lu-
mina in altari, & duos Patres Step-
hanum ac Melchiorum, vnâ cum Marco

Fides.

Oratio.

Mors.

Altare.

TT 3

Cano-

Confessio.

Canonico, post mortem gloriôsè appetitam adstare altari visos, cum admiratione spectantium. Auditum est etiam à nonnullis qui ab annis iam pluribus peccata confessi non fuerant, eos à tribus his interfectis fuisse admonitos, vt Sebesinum (vbi tunc eorum corpora seruabantur) profecti, conscientiam expiarent. Paruère, testari Confessario de S. Francisci familia, se occisorum illorum Patrum monitu ad exomologesim esse inductos. Sophia Partinger Tyrnauiz Sanctimonialis clauda, imò pedum vsu propè capta, cum semper in lectulo ferè decumberet, voto tandem concepto, partim fulcro, partim Monialium brachiis nixa horum Christi heroum corpora Tyrnauiz apud Moniales tunc iam condita deducta, fuis ibi precibus, nullius ope adiuta, surrexit in pedes de genibus, & baculo istic relicto ad cubiculum rediit, falsa id postea sæpius vsque ad mortem, se beneficium illud Deo & horum auxilio debere.

Monialium alia testata est se ad illa corpora sonum organi auduisse, & totum in quo illa iacere locum luce perfusum vidisse, lumine foras etiam erumpente. Alia dixit, sonum fidium à se istic auditum, & virorum in eodem loco colloquentium voces; cum verò ad cubiculum rediret, visos sibi veluti tres viros, seu vmbras, quorum duo quadratos pileos habuerint, tertius verò latum pileum, seu galerum, vt vocant. Adiecitque tunc Sancti Audentij corpus (quod nunc ibidem asseruatur) necdum ibi fuisse collocatum. Alia duæ affirmant emicantem ex eodem loco fulgentem quendam lucis radium per portam clausam vsque ad ex aduerso dormientis cuiusdam Monialis pectus porrectum eiusdem cordi insedisse, ac per quartam circiter horæ partē amabile illud spe-

ctaculum ab vtraque oculis attentè vsurpatum. Harum altera dicit se, cum arcæ in qua tres hi Christi heroës iacent, manus languidas sæpius piè ad-mouisset, manus à languore nescio quo vegetas retulisse; & sonum organi à se quoque ibidem auditum ante quàm istic etiam fuisset conditum corpus S. Audentij. Alia manus ferè contractas & dolorum plenas, osse vno alicuius ex his tribus Heroibus piè delinens, & dolores absterfit, & manus integras, cum earum quæ id oculatè testantur admiratione recepit. Alia 2. Iulij in festo Beatissimæ Virg. visitantis post nocturnas preces, vidit è Sacratio (vbi corpora illa quiescunt) effusam lucem, longè lateque porrectam, adedò vt columbæ sub rectis ad lumen illud eo vsque porrectum perterritæ auolârint. Terefia Bihari ibidem Sanctimonialis hortatu dictæ Sophiæ Partinger votum concepit, se in honorem trium horum Christi Athletarum quotidie rosarium recitaturam; vt à duobus vulneribus, seu potius vlceribus, à quibus curari non poterat, liberaretur. Vix triduo Rosarium ex voto recitârât, cum nullo alio remedio adhibito, vlcera euanuerè, non nisi sicca cicatrice post se relicta.

Fuere illa corpora in illo Monasterio in veneratione tanta, vt etiam supplicationes ad illa celebrarentur. Sed posteaquam Româ perlatus est, ne ullis ab Ecclesia in Sanctorum vel Martyrum album necdum relatis, honores publici darentur; obedienter supersedere piæ Virgines ab illo exercitio pietatis: nec deest quæ dicat, ab eo tempore ad illa corpora nihil admiratione dignum visum esse, aut patratum.

P. EDMVN.

P. EDMUNDVS

AROSMITHÆVS.

Anglus 15.
castitæ 7.
Sept. 1628.
ætat. 43.
Soc. 5.

Fidei.

Mm.

Huius doctrina hæreticis silentiū
sæpè imposuit. Captus, in ipso
carcere vnum conuertit. Scripto illi
obiectum, quod Sacerdos, quod Ie-
suita, quod seductor esset; quippe qui
dixerit: Extra Romanam Ecclesiam
neminem saluum fore. Duo testes ad-
fuerunt qui eum sibi Catholicæ fidei
amplectendæ auctorem fuisse ac sua-
forem testati sunt. Ideo capitis dam-
natus, raptari, suspendi, & in frustra
secari iussus est. Ter in seclis flectens
genua: *Dulcissime IESV, inquit, tibi vi-
tam hanc meam in meorum satisfactionem
peccatorum ultra deuoteo.* Tum ei quem
in mortis tempora vsui sibi futurum

conscripserat libello legendo intentus,
precabatur: & à Prædicante (vt vo-
cant) seu concionali hæreseos mini-
stro, ad hæresim inuitatus, illique se-
uerè respondens, Catholicos ad ma-
gnanimam perseuerantiam hortaba-
tur. Cæsus, Ambrosio Barlo ord. S. Be-
nedicti religioso Sacerdoti, earum quæ
agebantur rerum inconfcio, adeoque
absenti postridie spectabilis adfuit, &
disertè dixit, *quam benè secum esset a-
ctum* Lancastriæ. Eadem illum mane-
re ibidem: pergeret porro, satageret
pro fide Catholica. id quod factum;
Ambrosio pari mortis gloriâ Edmun-
dum secuto ibidem 20. Septembris
anno 1641. Fama est, idem ab Edmun-
do eidem prædictum Lancastriæ in-
carcere, cum istic Edmundum Am-
brosius extremum inuiferet.

Disce de
mortuo.

VIII. DIE SEPTEMBRIS.

IACOBVS

DIAZ. SCHOL.

8 Septemb.
Hispanus
Tiguera.
1474.

Recti, puri, syncori cordis hio-
adolescens, è studiis ipsis in æta-
tis ac virtutis flore morte abrep-
tus est. morbus, quo tabescebat il-
lum longâ patientiâ coronauit: sed ea
quâ erga Dei matrem ferebatur prò-
pensio tenerè voluntatis magnam o-
peræ pretium tulisse visa est, quando
longè ante mortem affirmatè prædi-
xit, se die Beatissimæ Virginis migra-
turum è vita. Obiectante verò medi-
co die Beatissimæ Virginis Assumptæ,
qui fieret quod non moreretur, cum
id ita prædixisset; verècundâ mode-
stiâ; solum, inquit, hoc scio, & hoc tan-
tum dixi quod moriendum mihi sit a-
liquo die festo Beatissimæ Virginis;

quo autem illorum, id verò me latet.
At ipso Beatissimæ Virginis natæ die,
cum accinctus quidem per Sacramen-
ta semper esset ad mortem, tamen eo
die securi de illo essent Patres, vicino
Patre accito, iussit Patrum, ac fratrum
coronam conuocari: tempus iam esse
quo commendatio animæ recitaretur.
Affluxerunt accersiti Patres ac alij: &
peractis iis, quæ res postulabat, Iaco-
bus moriens, prædictionem impleuit
die Dei matris festo æternitati tran-
scriptus.

Mozz.

IOANNES

FARINA. SCHOL.

Hunc è Philosophiæ cursu euoca-
uit ad vitam Deus. Deiparæ a-
manda, colenda, laudibus celebra-
da

Italus in Ste-
cilia. 8. Sept.
1577. ætat.
25. Soc. 4.